

## ՀԱՇՎԵՏՎՈՒԹՅՈՒՆ

Եվրոպական միության արևելյան գործընկերության չորրորդ պլատֆորմի «Շարժունակություն և մարդկանց միջև շփումներ» հանդիպմանը մասնակցելու նպատակով Բելգիայի Թագավորություն (Բրյուսել) գործուղման արդյունքների մասին

### 1. Անունը, ազգանունը.

Արման Ուդունյան

### 2. Զբաղեցրած պաշտոնը

ՀՀ աշխատանքի և սոցիալական հարցերի նախարարի տեղակալ

### 3. Գործուղման վայրը և ժամկետները

Բելգիայի Թագավորություն (Բրյուսել), 2019 թվականի ապրիլի 9-ին

### 4. Հրավիրող կողմը

Եվրահանձանաժողով (Եվրոպական հարևանության քաղաքականության և ընդլայնման բանակցությունների (NEAR) հարցերով գլխավոր տնօրինություն, ԵՄ Արտաքին գործողությունների ծառայություն (EEAS)

### 5. Գործուղման նպատակը /աշխատանքային ո՞ր խնդրի լուծման համար էր

նախատեսված գործուղումը/

- Քննարկելու Արևելյան գործընկերության ծրագրի 10 տարիների ընթացքում գրանցված հաջողությունները, ձեռքբերումներն ու խնդիրները,
- քննարկելու և նախագծելու 2020թ.-ին հաջորդող ժամանակահատվածի համար նոր ոլորտային ծրագրեր, որոնք միտված կլինեն երիտասարդների կրթության և աշխատունակության բարելավմանը:

## 6. Քննարկված թեմաները

- Հիմնական հմտությունների և գիտելիքների ձեռքբերման հնարավորություններն ու մարտահրավերները ժողովրդագրական և տեխնոլոգիական փոփոխությունների ժամանակաշրջանում,
- «խելացի մասնագիտությունների» (smart specialisations) և տեխնոլոգիաների փոխանակման համար պահանջվող հմտությունների ձեռքբերում,
- ուսուցման և կրթության գործիքակազմը թվային դարաշրջանում:

## 7. Հանդիպումները, ելույթները, բարձրացված կամ քննարկված հարցերը

- Ելույթ Արևելյան գործընկերության պլատֆորմ 4 «Շարժունություն և մարդկանց միջև շփումներ» պլենար նիստի (կոնֆերանսի) ընթացքում, որի ընթացքում ներկայացվել են զբաղվածության ոլորտում իրականացվող հիմնական ծրագրերը, անդրադարձ է կատարվել մշակման փուլում գտնվող Զբաղվածության 2019-2023թթ. ռազմավարության և «Աշխատիր Հայաստան» հայեցակարգին, որպես առաջնահերթություններ կարևորվել են գործազուրկների և աշխատանք փնտրողների հետ անհատական զարգացման պլանների մշակման, մասնագիտական կողմնորոշման և աշխատանքի ոլորտային խորհրդատուների ինստիտուտի կայացման հարցերը և առաջարկվել է դիտարկել դրանք որպես գաղափարներ Արևելյան գործընկերության շրջանակներում ոլորտային նոր ծրագրերի համար:
  - Հանդիպում-քննարկումներ հետևյալ պաշտոնյաների հետ.
    - Լյուկ Դեվին, ԵՄ Արտաքին գործողությունների ծառայության (EEAS) փոխտնօրեն,
    - Լոուրենս Մերեդիթ, Հարևանության և ընդլայնման բանակցությունների գլխավոր տնօրինության Եվրոպական հարևանության հարցերով տնօրեն,
    - Անաստասիա Ֆեցի, Եվրոպական կրթական հիմնադրամի գործառնական բաժնի տնօրեն:

## 8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Պայմանավորվածություն ձեռք բերվեց Արևելյան գործընկերության «20 արդյունք մինչև 2020թ.» փաստաթղթի արդյունք 18-ից (ներդրումներ երիտասարդների հմտությունների, ձեռնարկատիրության և աշխատունակության) և արդյունք 20-ից (հետազոտական և նորարարական համակարգերի ինտեգրում) բխող ծրագրային գաղափարների մշակման և ներկայացման հետ կապված՝ դրանք հետագայում դիտարկելու Արևելյան գործընկերության շրջանակներում տրամադրվող ֆինանսական աջակցության ներքո:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Առաջարկվել է մշակել աշխատանքային ձևաչափ՝ ավելի սերտորեն համագործակցելու «ԵՄ հանուն Երիտասարդության» ծրագրի շահառու հասարակական կազմակերպությունների հետ՝ վերջիններիս կողմից իրականացվող գրանտային ծրագրերն ավելի հասցեական դարձնելու նախարարության շահառուների կարիքներին և սպասելիքներին:

**10. Ստորագրությունը, ամսաթիվը:**

Արման Ուդումյան, 12.04.2019թ.

